



Guillen / EFE

mundiala!

Andoni Egaña

Chilavert

FUTBOLARI bati mikrofonoa eskaintzea niri baletako oinetakoak oparitzearen parekoa da: alferrikakoa. Ez dira horretarakoak eta kito.

Asko futbolaz asper asper eginda omen dago. Ni futbolariak aspertzen naute, gehien gehienek, hizketan hasten direnean. Hain dira beti-berdinak beren adierazpenetan!

«Elastikoa izarditan blai egingo dugula hitz eman dezaket».

«Gaur egun, arerioa, denik ahulena ere, ez da samur menpean hartzen».

«Futbola futbola da eta horrelakorik gerta daiteke futbolean».

«Partiduaren iraupena laurogeita hamar minutukoa da, eta azken txistu-hotsa entzun arte...».

Hori, eta hórrelako beste esatera mordoska, gehienak gaztelaz eta itzulera ez errazekoak. Halere, behin entzun nuen mutil gazte bat «erretegian okela guztia» jarriko zutela zin egin ez.

Hargatik estimatzen ditut Chilavert bezalakoak. Gorputza edukitzeaz gain burua du, eta buruaz gain iritzia. Eta azaltzeko zalanza gutxi. A zer pasada eman zion Telebista Espainiarrereko Recio kazetari irmoari! Espainiarren iragan kolonizatzailea atera zuen argitara, eta bere odol guaraniarekiko harrotasuna. Ez dakit ze emaitza izan zen atzoko Espainia-Paraguay partiduan. Ez dakit zenbat baloi pasa ziren paraguayarren sareetan barrena. Ziur nago ordea, Cristobal Colonik ez dela gehiago pasako.

Javier Clemente hautatzailea eta Espainiako selekzioa jokalaria ordezkoak, atzo gaueko Espainia-Paraguay partiduari begira.

Gaurko partiduak

14:30	Japonia-Kroazia	La2/TF3
17:30	Belgika-Mexiko	TVE1/TF1
21:00	Holanda-Hego Korea	TVE1/F3

Espainia ezinean Paraguaireren aurka

Javier Clementeren selekzioak golik gabeko berdinketa egin zuen. Nigeria final-zortzirenetara sailkatu da